

Spirit of Bosnia / Duh Bosne

An International, Interdisciplinary, Bilingual, Online Journal
Međunarodni, interdisciplinarni, dvojezični, online časopis

“Sve dok Sarajevo postoji ovaj list će izlaziti svaki dan!”

Dayton International Peace Museum

Ovo su potresne riječi Kemala Kurspahića, glavnog urednika Oslobođenja, kojeg su na ovu funkciju izabrale kolege novinari.

Oslobođenje je osnovano 1943. godine kao sarajevski antifašistički list koji je izlazio u Drugom svjetskom ratu. Radni kolektiv Kemala Kurspahića uradio je upravo ono što je on tražio - list je izlazio svaki dan nakon 14. maja 1992, kada su njihovi zaštitari pobjegli, a zgrada Oslobođenja prvi put bila pod direktnim udarom.

Kurspahić se obrazovao u duhu zapadnjačke tradicije slobodne štampe, pa je još ranije napravio zaokret ka većoj neovisnosti od političke vlasti, ne želeći da bude njen glasnogovornik. Krajem 1989. godine Oslobođenje je izabrano za list godine u Jugoslaviji, a nastavilo je da dobija i međunarodna priznanja. Naravno, zahvaljujući svemu tome Kurspahić nije stekao prijatelje među zaraćenim stranama.

Oslobođenje se odupiralo sve većem nacionalizmu tog vremena, dobijalo sudske parnice protiv pokušaja zakonodavstva da osvoji kontrolu nad listom. Novinarska ekipa bila je namjerno sastavljena od bosanskih Muslimana, bosanskih Srba i bosanskih Hrvata.

„Od početka rata“ priča Kurspahić, „novinari su bili i dostavljači-vozači i raznosiči novina.“ Pisali su i pripremali svoj list svaki dan u zgradi koja je bila bombardovana, u kojoj nije bilo vode, struje i telefona. „Tih dugih sedmica i mjeseci Oslobođenje je obično bilo jedini izvor vijesti... Čak i po deset porodica čitali su jedan primjerak Oslobođenja.“

Odbijajući da ga rat ušutka, list je pronalazio tintu i gorivo za generatore na crnom tržištu, i kupovao ih po veoma visokim cijenama, koje su plaćali iz prihoda stečenih međunarodnim nagradama koje su dobili.

Internetska Izložba, Dayton International Peace Museum

Dejtonski mirovni sporazum je priča o izazovu postizanja mira nakon rata.

Da bismo postupili pravedno prema onome što su ljudi na Balkanu pretrpjeli ne smijemo ignorisati veće probleme proistekle iz sukoba: ksenofobiju, genocid, silovanja, ratne zločine i pravnu zaštitu.

The preceding text is copyright of the author and/or translator and is licensed under a Creative Commons Attribution-NonCommercial-NoDerivs 3.0 Unported License.